



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

37. Rudolphi Primi Imp. mandatum Henrico Comiti Luxemburgensi Datum  
Haganoæ, Anno MCCLXXVI.

**urn:nbn:de:hbz:466:1-14268**

37.

*Rudolphi I. Imperatoris Mandatum Henrico Comiti  
Lucemburgensi Datum Haganoyæ, Anno  
MCCLXXVI.*

**R**VDOLPHVS DEI gratia Romanorum Rex semper Augustus, Nobili Viro Henrico Comiti de Lucenburgh, dilecto fideli suo gratiam suam & omne bonum. Fidelitati tuæ, tenore præsentium ducimus committendum, quatenus honorabiles, Abbatem & Conuentum Monasterij S. Maximini Treuirensis in omnibus iuribus & libertatibus suis, quoad homines & bona attinentes, eidem Monasterio iuxta priuilegiorum suorum tenorem: ipsis à Romanis Imperatoribus, & Regibus, nostris antecessoribus indultorum, ac à nobis confirmatorum, autoritate nostrâ Regiâ, tuearis, protegas & defendas: non permittens eos contra memoratorum priuilegiorum indulta molestari à quoquam indebitè, vel turbari. Data Haganoyæ V. Kal. Iulij, Indictione quarta, Anno Domini millesimo, ducentesimo, septuagesimo sexto. Regni verò nostri, Anno tertio, &c.

38.

*Caroli IV. Imperatoris Mandatum Wenceslao Fratri Comiti  
Luxemburgensi Datum Treuiris, Anno MCCCCLIV.  
V. III. Kal. Martij.*

**C**AROLVS DEI gratia Romanorum Rex semper Augustus & Bohemia Rex. Illustri Wenceslao Comiti Luxemburgensi Fratri nostro charissimo, aut ei, qui pro tempore ibidem esset Comes, & cui præsentis litteræ exhiberentur, gratiam Regiam & omne bonum. Cum nos ob singularis ardoris affectum, quem ad honorabilem & religiosos, Abbatem & Conuentum Monasterij Sancti Maximini extra muros Treuirensis deuotos, nostros dilectos semper gessimus & gerimus in præsentem, volentesque ipsos vbilibet prosequi fauoribus gratiosis. Præfatos, Abbatem & Conuentum cum omnibus & singulis eorum bonis, oppidis, villis, iuribus, libertatibus, possessionibus, redditibus, hominibus, seruatoribus, familiaribus vbicunque locorum sitis, in nostram ac Sacri Romani Imperij receperimus protectionem, Guardiam & defensionem singularem dilectionem tuam atento studio requirimus & hortamur, mandantes nihilominus seriosè, quatenus tanquam Aduocatus & fidelis dicti Monasterij Sancti Maximini, præfatos, Abbatem & Conuentum præfati Monasterij, ac homines, bona & reditus ac iura ipsorum ab omnibus iniurijs, molestijs, turbationibus & violentijs, quibuscunque nominibus censeantur, auctoritate Regia protegas, manuteneas, defendas gratiosis & conserues, quotiens ipsis erit necesse & opportunum, vel super eo per prædictos, Abbatem & Conuentum, aut eorum Procuratores & nuntios fueris specialiter requisitus, non permittens prædictis, Abbati & Conuentui in ipsorum bonis, redditibus, fructibus & possessionibus, hominibus & seruatoribus quibuscunque, quos, & quæ in Comitatu Luxemburgensi, vel extra habent seu habere noscuntur à quocunque, vel per

quem.